



# नवग्रह चालीसा



॥ दोहा ॥

श्री गणपति गुरुपद कमल, प्रेम सहित सिरनाय।  
नवग्रह चालीसा कहत, शारद होत सहाय ॥

जय जय रवि शशि सोम बुध, जय गुरु भृगु शनि राज।  
जयति राहु अरु केतु ग्रह, करहुं अनुग्रह आज ॥

॥ चौपाई ॥

श्री सूर्य चालीसा

प्रथमहि रवि कहँ नावों माथा, करहु कृपा जनि जानि अनाथा।

हे आदित्य दिवाकर भानू, मैं मति मन्द महा अज्ञानू।

अब निज जन कहँ हरहु कलेशा, दिनकर द्वादश रूप दिनेशा।

नमो भास्कर सूर्य प्रभाकर, अर्क मित्र अघ मोघ क्षमाकर।

श्री चन्द्र चालीसा

शशि मयंक रजनीपति स्वामी, चन्द्र कलानिधि नमो नमामि।

राकापति हिमांशु राकेशा, प्रणवत जन तन हरहु कलेशा।

सोम इन्दु विधु शान्ति सुधाकर, शीत रश्मि औषधि निशाकर।

तुम्हीं शोभित सुन्दर भाल महेशा, शरण शरण जन हरहु कलेशा।

श्री मंगल चालीसा

जय जय जय मंगल सुखदाता, लोहित भौमादिक विख्याता।

अंगारक कुज रुज ऋणहारी, करहु दया यही विनय हमारी।  
हे महिसुत छितिसुत सुखराशी, लोहितांग जय जन अघनाशी।  
अगम अमंगल अब हर लीजै, सकल मनोरथ पूरण कीजै।

### श्री बुध चालीसा

जय शशि नन्दन बुध महाराजा, करहु सकल जन कहँ शुभ काजा।  
दीजै बुद्धि बल सुमति सुजाना, कठिन कष्ट हरि करि कल्याणा।  
हे तारासुत रोहिणी नन्दन, चन्द्रसुवन दुख द्वन्द्व निकन्दन।  
पूजहु आस दास कहँ स्वामी, प्रणत पाल प्रभु नमो नमामी।

### श्री बृहस्पति चालीसा

जयति जयति जय श्री गुरुदेवा, करुं सदा तुम्हरी प्रभु सेवा।  
देवाचार्य तुम देव गुरु ज्ञानी, इन्द्र पुरोहित विद्यादानी।  
वाचस्पति बागीश उदारा, जीव बृहस्पति नाम तुम्हारा।  
विद्या सिन्धु अंगिरा नामा, करहु सकल विधि पूरण कामा।

### श्री शुक्र चालीसा

शुक्र देव पद तल जल जाता, दास निरन्तन ध्यान लगाता।  
हे उशना भार्गव भृगु नन्दन, दैत्य पुरोहित दुष्ट निकन्दन।  
भृगुकुल भूषण दूषण हारी, हरहु नेष्ट ग्रह करहु सुखारी।  
तुहि द्विजवर जोशी सिरताजा, नर शरीर के तुमहीं राजा।

### श्री शनि चालीसा

जय श्री शनिदेव रवि नन्दन, जय कृष्णो सौरी जगवन्दन।  
पिंगल मन्द रौद्र यम नामा, वप्र आदि कोणस्थ ललामा।  
वक्र दृष्टि पिप्पल तन साजा, क्षण महँ करत रंक क्षण राजा।  
ललत स्वर्ण पद करत निहाला, हरहु विपत्ति छाया के लाला।

श्री राहु चालीसा

जय जय राहु गगन प्रविसइया, तुमही चन्द्र आदित्य ग्रसइया।  
रवि शशि अरि स्वर्भानु धारा, शिखी आदि बहु नाम तुम्हारा।  
सैहिकेय तुम निशाचर राजा, अर्धकाय जग राखहु लाजा।  
यदि ग्रह समय पाय कहिं आवहु, सदा शान्ति और सुख उपजावहु।

श्री केतु चालीसा

जय श्री केतु कठिन दुखहारी, करहु सुजन हित मंगलकारी।  
ध्वजयुत रुण्ड रूप विकराला, घोर रौद्रतन अघमन काला।  
शिखी तारिका ग्रह बलवान, महा प्रताप न तेज ठिकाना।  
वाहन मीन महा शुभकारी, दीजै शान्ति दया उर धारी।

नवग्रह शांति फल

तीरथराज प्रयाग सुपासा, बसै राम के सुन्दर दासा।  
ककरा ग्रामहिं पुरे-तिवारी, दुर्वासाश्रम जन दुख हारी।  
नव-ग्रह शान्ति लिख्यो सुख हेतु, जन तन कष्ट उतारण सेतू।  
जो नित पाठ करै चित लावै, सब सुख भोगि परम पद पावै।

॥ दोहा ॥

धन्य नवग्रह देव प्रभु, महिमा अगम अपार।  
चित नव मंगल मोद गृह, जगत जनन सुखद्वार॥

यह चालीसा नवोग्रह विरचित सुन्दरदास।  
पढ़त प्रेम सुत बढ़त सुख, सर्वानन्द हुलास॥

1

---

<sup>1</sup> सौजन्य से:

धर्मयात्रा (DharmYaatra)

वेबसाइट: <https://dharmyaatra.in/>

व्हाट्सएप नंबर: +917410957600

नोट: यदि आप वैदिक ज्ञान 🙏, धार्मिक कथाएं 🙏, मंदिर व ऐतिहासिक स्थल 🏰, भारतीय इतिहास, शारीरिक व मानसिक स्वास्थ्य 🧠, योग व प्राणायाम 🧘, घरेलू नुस्खे 🍲, धर्म समाचार 📰, शिक्षा व सुविचार 👣, पर्व व उत्सव 🪔, राशिफल 🌌 तथा सनातन धर्म की अन्य धर्म शाखाएं 🌀 (जैन, बौद्ध व सिख) इत्यादि विषयों के बारे में प्रतिदिन कुछ ना कुछ जानना चाहते हैं तो आपको धर्मयात्रा संस्था के विभिन्न सोशल मीडिया खातों से जुड़ना चाहिए। उनके लिंक हैं:

[व्हाट्सएप ग्रुप](#)

[व्हाट्सएप चैनल](#)

[फेसबुक पेज](#)

[इंस्टाग्राम प्रोफाइल](#)